

MULALILO

 Mulumbe ukopa oyo Mukwesu Pearry ngwa katupa mpoonya buyo kuzwa ku Ijwi lya Leza. Obo mbocili cakasimpe kuti "Tula mucesya Leza a kupimina Leza ciindi; alimwi Walo Mbutamani, ta tukonzyi kucita ceeco." Aboobo sunumasiku tu langanya cintucimwi cimbi lino, mulalilo.

² Myaka yotatwe Nda kalindila mbungano kuboola mu Tucson, pele ili waano. Inzya, tuli—tuli waano. Aboobo twa lumba Mwami, Wa tulekela buyo kulindila mane inga twa cilumba lino.

³ Lino, kuli cintu comwe eco Nce yanda kwaamba katutana buyo kutalika mulalilo, eci, kuti Nda syoma kuti twa kabona kunji mu buzuba bwesu mbo tuponamo, kuti tweelede kupa ncobeni (koonse) koonse kwa buntu bwesu kuli Leza. Twe—twe elede kubelekela Leza ncobeni. Nda syoma kuti Wa ka tulongezya a bwiinguzi bugaminina ku Lugwalo. Mbuli Mukwesu Pearry mbwa cipa kaindi kainda, kuti tuli—tuli—tuli ku ciindi eco. Ta tuli boofu, tu—tu—tu bona kuti tuli waano, twa—twa sika.

⁴ Elyo akwalo inga twa langa koonse a kubona kuti nzila eyo mizeeo yabuntu mboyizwa ku bantu, kuti, ta—ta tukonzyi kukkala kulamfu loko, inga twaba mu kabunga ka basondokede kumaninina, nyika yoonse inga yaba. Mwabona? Aboobo tuli—tuli ku ciindi camamanino.

⁵ Lino, mbuli Mukwesu Pearry mbwa kagolela okuya, mukubona zintu ezi kuti nzya bwini, mwabona kuti nzya bwini, tazili zya kaano kabuyo. Tazili zintuzimwi nzo tuyeyela buyo. Ngo cintu cimwi eco caka pegwa cigaminina kuli ndiswe kwiinda ku Ijwi lya Leza a kutondezegwa antangalala kumbele lyesu, kuti tu lizi tuli waano. Ta—ta tuzi na nciindi cilamfu buti lino, nkaambo alubo tu jokela ku kulangilila, nywebo mwabona, na nciindi mbo cibede. Pele tuli... tu lizi tuli—tuli waano, tuli ku ciindi. Naa ciindi ca Leza, inga Nda yeeyela...

⁶ Umwi wakapa kulangala kuniini ciindi cimwi wa kati na Leza wandi lekela kwendelana... ikuti na Wa kali ku ciindi coonse, cuulu comwe—comwe ca myaka mbuzuba bomwe buyo. Aboobo ikuti na muntu wakapona myaka ili makumi ali ciloba yakukomena, inga kwaba buyo maminiti masyoonto aa ciindi ca Leza. Mwabona? Ee, a kwaamba kuti uyooba myaka ili makumi one, eco inga akwalo tii caamba ciindi, nokuceya, Wa kali kukonzya kufwinya meso Aakwe. Mwabona? Mwabona, obo buyo mbo cili cakufwambaana, cintu coonse, ikuti na cabikkwa ciindi; kwalo, Ta jisi ciindi cimwi. Aboobo Walo Mbutamani buyo.

⁷ Nda syoma wakali Sarah kusule okuya . . . na, peepe, wakali Josefa, busiku bumwi, kati kuli ndime a Mukwesu Pearry. Wa kati, “Taata, nkokuli, ino Leza naka sika aa cilao? Ino Wa kazwa kuli?” Mwabona? “Wa keelede kuba a matalikilo, sa Ta kacita? Sa Ta keelede kutalika?”

⁸ Nda kati, “Peepe. Kufumbwa cintu eco cijisi matalikilo cili jisi magolelo, pele nceeco eco cata kajisi matalikilo taka jisi magolelo.” Mubwini, ngu myaka ilili kkumi yakukomena, oyo wakali musyobo wa—wa mulomo wini kuli nguwe. Mwabona? Elyo mbobuti mbwa kakonzya kutambula ceeco, mukuziba kuti cintucimwi tii cakatalika? Kutali biyo kuli nguwe, cili kuli ndime. Lino, mwabona, ncintu buyo cipati maningi kuli ndime, obo mbo cakasola kutalika.

⁹ Lino tu tandila kubamba cintucimwi awa eco cisetekene ncobeni.

¹⁰ Nda kaitwa aa mazuba masyoonto aindaa, ku balombwana bamwi babotu loko Banakristo abo—abo bata kajisi eci, elyo wa kamvwisya kuti twa kalya mulalilo mubwini. Bala cibweza eco nco baita kuti “mulalilo wakumuuya.” Elyo kwalo, kuciimo ca *mulalilo*, inga Nda amba kabotu, nkaambo *kukwabana* nkwa “kwa kwaambaula,” mwabona. Elyo mukwesu waka ndipa Lugwalo olu, kati, “Mukwesu Branham, uta yeeyi lino . . .”

¹¹ Lino, kaambo Nce wamba ceeci . . . Cili kabotu, Mukwesu Pearry? [Mukwesu Pearry Green waamba, “Masimpe.”—Mul.] Mwabona, kaambo aka Nce ambila ceeci, kutegwa mumvwisye eco nco mucita. Yebo to . . . ikuti na weenda mu cintu cili coonse cabooftu, tozyi awo, eco ncoli mukucita. To konzyi akwalo kuba a kaanzambwene ikuti na tozyi eco ncoli mukucita. Pele weeledе kumvwisya eco ncoli mukucita a kaambo ncoli mukucicita.

¹² Wa kati, “Lino ikuti na twa bweza Ijwi lya Leza, sa oyo tali Leza oyo ngo tubweza?”

¹³ Nda kati, “Mbombubo ncobeni, munene, nca bwini. Pele twa kabala awa kuti mubwini ba . . . Paulo waka yiisya kubweza mulalilo wini wa Mwami. ‘Eci kamucita mu kwiibaluka Ndime,’ wakaamba Jesu. ‘Mbuli mbo muulya mu kwiibaluka Ndime, yebo tondezya lufu lwa Mwami mane Aka boole.’” Mwabona? Lino, tweeledе ku lubweza.

¹⁴ Tula mvwisya kuti Musalali Paulo, oyo waka cisala mu Mbungano, mukuba musinsimi wa Cizuminano Cipywa. Petro, Jakobo, Johane, boonse babo, ba kalemba (baa, Matayo, Marko, Luka) eco Jesu nca kacita, mbuli balembi. Pele Paulo wakabikka cintu mu ncililano, wa kali i—wa kali musinsimi wa Cizuminano Cipywa. Mbubonya mbuli Musa mbwa kanjila mu nkanda kuyo tambula bunanike bwa kulemba i—i Mabbuku osanwe aa—aa . . . mabbuku osanwe mataanzia aa Bbaibbele, ee, Paulo awalo waka njila mu lukula a kutambula bunanike kuzwa kuli

Leza, ku kubikka Mbungano ya Cizuminano Cipyा kutegwa I cikozyanisyе kubalesya Cakale.

¹⁵ Kunsi okuya baka jisi kabelele kacituuzyo, ako Israyeli nka kabamba ka ciibalusyo. Ca kabelesewa ciindi cimwi ncobeni, kuzwa mu Egepita. Pele mpawo baka bamba eco mbuli ciibalusyo muciindi coonse mu bukkalo. Ee, “ikuti na mulao mukuba cimvule ca zintu ziciza,” nywebo mwabona.

¹⁶ Lino, Nda syoma *mulalilo* oyo (oyo ngo twiita kuti “mulalilo,” lino) ngwa ku...ngu “cilalilo ca Mwami.”

¹⁷ Lino, tu jisi biyo inguzu zyotatwe zya Buleza zya kunyama zyaka siilwa kuli ndiswe: umwi wabo ngu—ngu mulalilo; kusanzigwa kwa matende; lubapatizyo lwa maanzi. Ezyo nzintu zyotatwe biyo. Obo mbulondosi, bwa zyotatwe, mwabona. Alimwi ayo nge malailile otatwe nge tujisi. Tula mvwisya kuti ako kakali kaambo kakapegwa aa Musalali Paulo mu Cizuminano Cipyा.

¹⁸ Lino, ikuti na twaamba kuti “mulalilo weelete buyo kulya Ijwi,” Nse syomi kuti muntu uli oonse uli jisi nguzu zya kubweza cilalilo ca Mwami kusikila wa bweza i—i Ijwi lyā Mwami mu moyo wakwe. Mwabona? Nkaambo Ndila...Ndila bala cintucimwi muli ndinywe mu ziindi zisyoonto nkabela muyo bona. Lino, amubone. Mpawo, nkaambonzi mpawo nco tunga twa—twa...

¹⁹ Aa mbaakanji njionya njo tukonzya kululamika Saluveshioni Armi. Taba syomi mu ciimo cili coonse ea lubapatizyo lwa maanzi, kati, “Ta tuyandikani.” Lino, ikuti na ta tuyandiki lubbizyo lwa maanzi, nkaambonzi nco tubbizingwa? Kati, “I maanzi taakonzyi kukufutula, Bulowa bula kufutula.”

²⁰ Njo zuminana a ceeco. Mbo—mbo mbubo, Bulowa bula kufutula, kutali maanzi. Pele twe *elede* kutola maanzi mbuli kunyanyamukwa kwa mulimo wa mukati ciwa luzyalo waka citwa. Mwabona? Aboobo sa tweede mulalilo!

²¹ Cindi twa bweza Mwami, Cituuzyo cesu, muli ndiswe, mbuli makani aa Kuzyalwa kwa kumuuya muli ndiswe, a Mubili Wakwe, tula ponena kuli Nguwe kwiinda ku Ijwi, akwalo tweede kucipa ciiminizyo nkaambo mulao. “Amusanduke, umwi aumwi wanu a kubapatizingwa mu Zina lyā Jesu Kristo kuti mujatilwe zibi zyanu.”

²² Paulo wakati, “Nda katambula kwa Mwami eco Nee kamufaa akwalo, ‘Kuti Mwami Jesu busiku mbubonya omo Mbwa kaabwa kabweza cinkwa, a ku cikomona a kucipa kuli basikwiya, a—a kuti, “Kobweza a kulya, eci mu kwiibaluka Kwangu.” Nkambo kanji mbuli mbo mubweza eci cinkwa, mula tondezya lufu Lwakwe kusikila Aka boole.’” Lino tu jana kuti, muli ceeco, ba kajisi bantu baboola a...

²³ Oyu mukwesu muyandisi, mukwesu muyandisi loko, wa kasika elyo wa kati, “Nse ka—Nse ka ci bweza, Mukwesu Branham, Nse mvwisyi mbo cibede.” Kati, “Nda ka yiisigwa lubazu lumbi.”

²⁴ Nda kati, “Pele amuyeeye, tuyo zamina kuti Musalali Paulo waka cibikka mu ncililano mu Mbungano ntaanzi ya Bunakristo. Ba kazwa ku mbungano...kuzwa ku ng’anda kuyaku ng’anda, baka tyola cinkwa a moyo omwe, azimwi zimbi. Lino,” Nda kati, “wa kacibikka mu Mbungano. Bagalatia 1:8, wa kati, ‘Ikuti na angelo uuzwa ku Julu wasika a kwaamba cimwi cimbi, abe mutuke,’ nywebo mwabona, mwabona, nguonya oyo wakacitya kubbizigwa lwabili kuzwa ku lubbizyo lwa Johane, ku kubbizigwa mu Zina lyá Jesu Kristo.”

²⁵ Nywebo mwabona, kuli zintu zyotatwe ezyo nzyo tweede—zintu zyotatwe ezyo nzyo tweede kucita mbuli ziiminizyo: cilalilo ca Mwami, kusanzigwa ku matende, lubbizyo lwa maanzi. Mwabona? Kuli...

²⁶ Yebo wati, “Ee, i...” Lino, Impi ya Lufutuko ila cigwisya kuzwa ku kaambo keni, “I mubbi wakali kufwa, cindi na kafwa, ta kalina bbizigwa, nekubaboobo Jesu wakati uya kuba ku Julu.” Obo mbwini ncobeni. Oko kuli luleme. Pele, nywebo mwabona, wa—wa—wa kaziba buyo Jesu moonya mu oora ndya kali kufwa. Mwabona? Eco nce ciindi cilikke—eco nce ciindi cilikke nca kajisi. Wa—wa kali mubbi, wa kali kule, wa kali kubusena. Elyo walo, mbwa kabonena buyo Mumuni oyo, wa ka Uziba, “Mwami, ko ndiyeyea!” Elyo Jesu... Obo bwakali bwini.

²⁷ Pele kuli ndinywe a Ndime oyo uuzi kuti tweede kubapatizingwa, a kukaka kucicita, mpawo eco ciyooba akati kanu a Leza. Cintu nciconya mu mulalilo!

²⁸ Lino, cindi twalya mulalilo oyu, tacili buyo cintu caamba, “Nda boola okuno a kulya cinkwa cimwi, elyo Njo syoma kuti Ndili Munakristo.” Pele, ikuti na mwalangisya, Bbaibbele lyakati, “Oyo uulya a kunywa caku *teelela* uyooba a mulandu wa Bulowa a Mubili wa Mwami.” Mwabona? We elede kupona buumi obo—obo...kumbele lya bantu, kuti... alimwi kumbele lya Leza a bantu, eco citondezya kuti uli—kuti uli sinizizye.

²⁹ Lino, kaindi buyo kaniini kambi. Lino, mu Cizuminano Cakale cindi cituuzyo nicaka bambwa ii—ii mulazyo na mbeta. Elyo aboobo lubbizyo lwa maanzi mulazyo; akwalo kusanzyanza matende mulazyo; awalo mulalilo wa Mwami mulazyo. “Ulacockwe oyo ucita yonse milazyo Zyakwe, ubamba mbeta Zyakwe zyoonse, milao Yakwe yoonse, kutegwa abe a nguzu zya kunjila mu Samu lya Buumi.”

³⁰ Lino, amubone muli ceeci lino, kuti muli ceeco lutaanzi, cindi niya kali kunanika kutaanzi kwa Leza kuleta cituuzyo ku mbungano, a ku tempele a cipaililo, a kupa cipego cako, a—a ca zibi zyako, cituuzyo ca kabelele. Ee, inga Nda yeeyela buyo

kubona mukwesu umwi mu Juda kaselemuka mu mugwagwa, mukuziba kuti waka jisi mulandu, elyo ula unka ku cipaililo; na kuleta musune wakwe uuneneede na musune, na kufumbwa nca kajisi, na mugutu wambelele, kabelele, cintucimwi. Wa kauleta kunselelo lya mugwagwa cakusinizya mbuli mbwa kali kukonzya kusika, wa keenda okuya, kabamba mbeta zya Leza cakusinizya buyo mbuli mbwa kali kukonzya.

³¹ Mpawo wa kabikka maanza akwe ali ncico, kulyaambilila zibi zyakwe, elyo mupaiyi kabikka ezi (zibi zyakwe) aa kabelele, elyo kameneno ka kabelele kakazapulwa, elyo—elyo mpawo kakafwida nguwe. Elyo wakabikka alya, kabelele kaniini kakabbansa akuzwa malowa, maanza akwe kaazwide bulowa, nkabela kabusapaika ali nguwe onse, (kabelele kaniini kakagoloma, kakafwa), wa kali kumvwisya kuti wa kabisya nkabela cintucimwi cakacita kufwa mu busena bwakwe. Nkikaako, wa kali kutuula lufu olu lwa kabelele ku lufu lwakwe. Mwabona, kabelele kakafwa mu busena bwakwe. Mpawo mwaalumi waka cicita a kusinizya, a kusakana kwa moyo wakwe.

³² Kumalekelo, caku loolola cakacitika alubo, caka loolola akuyabuya kusikila kumalekelo ka kabakansiyansiya. I mulao wa Leza wakaba kansiyansiya ku bantu. Elyo mpawo ngooyu waboola kunselelo, “Ee, atu bone, eci cili *boobu-a-boobu* sunu, ndiza ncibotu Nda selemuka. Inzya, ncibotu Nda pa i—i musune.” Wa kaselemuka, “Ee, Mwami, ngooyu musune wangu.” Mwabona, kwiina kusinizya muli ncico, kwiina kumvwisya kuli ncico.

³³ Lino, ta tuyandi kulya mulalilo mbuli oyo. Eco nce cintu nciconya caba ku tafule lya Mwami.

³⁴ Isaya 35... Peepe, Amundi jatile. Isaya 60... Andi bweze ceeco. Ndi—Ndi—Ndi syoma kuti ngu Isaya 28, mpempawo mpo tu jana ceeci. Ndili masimpe loko kuti oyo ngo mutabi wa chipati ciluzi. Wa kati, “Mulao weelede kuba aa mulao; a kabala atala a kabala; awa kuniini, alya kuniini. Amujatisye kuli ceeco cili kabotu. A milomo imamauka a myaambo imbi Njo kanana ku bantu aba. Elyo oku Nkulyookezya.”

³⁵ Wa kati, “Oonse matafule aa Mwami azwide malusi. Nguni Ngwe konzya kuiiysya Njiisy? Nguni Ngwe konzya kumvwisya?” Mwabona? Ndi yeeya kuti olo lwakali Lugwalo luli kabotu, Isaya 28. “Nguni Ngwe konzya kubamba kumvwisya Njiisy?” Mwabona, “matafule.”

³⁶ Lino, tu jana kuti sunu eci cintu cipati nco tulibambila kucita sunumasiku, mu ciibalusyo ca lufu Lwakwe a Mubili Wakwe oyo ngo tusyoma kuti tula lya mazuba oonse, na, kumanizya buyo kulya mbuli mukwesu wesu mbwa kakambauka kuli ndiswe. Kubweza Ijwi lya Leza, tula Li syoma a moyo wesu oonse. Tula Li bona kaliyubununwa; tula Li bona kali pegwa

kuli ndiswe; tula Li bona kalisimpikizigwa; tula Li mvwa mu maumi esu. Elyo tula boola kuli ceeci a manjezeezya asakene anco tucita, kutali buyo kuti nkaambo malailile.

³⁷ Wa inka mu cikombelo, alimwi zindi zinji bala vozya soda kkrakka na musyobo wa ii—ii cintucimwi, kwiipasaula, a cinkwa ca mumuni na—na cintucimwi, a—a kicipasaula; a bantu abo bafweba, kunywa, zintuzyonse zimbi, nkaambo nzizo zya mbungano bala boola a kubweza cilalilo ca Mwami. Ee, obo mbusofwi kumbele lya Leza!

³⁸ Akwalo cituuzyo, cakati, “Mazuba aka aasalala a cituuzyo canu canunka mpemo Yangu.” Nekubaboo Wa kabasalila kubamba cituuzyo eco. Pele nzila mbo baka cilanganya, cakaba cilembo, cakali kununka mu mpemo Yakwe (mpemo Zyakwe), cituuzyo nciconya eco Nca kasala.

³⁹ Eyo nje nzila mbo tubweza Ijwi lya Leza, Banakristo banji loko sunu (bategwa) bala cita obo. Twa ima awa a kuyiisyia Ijwi eli, a kwaamba, “Jesu Kristo tali mbobuca nguwenya, sunu, amuya myaaka,” a kuyiisyia zintu ezyo Nzya ka tusyomezya kuti Uyo lemeka, a kwaamba, “Oh, ee, eco cakali ca cintucimwi cimbi,” kukomba kwesu kusetekene kwakazwa buyo mu mpemo Yakwe. Ta katambuli, pee. Ako nkekaambo, kwinda ku zilengwa zyesu zya tunsiyansiya!

⁴⁰ Tamu bwezi cilalilo ca Mwami kwinda ku kansiyansiya. Ko cibweza nkaambo nduyando lwa Leza mu moyo wako, mu kubamba milao ya Leza. Mwabona, nce ncico nco mu cibwezelala.

⁴¹ Aboooboo ikuti na to cibwezi mu kusiniza, nkansiyansiya buyo, “Ee, mbungano yesu iyandaula mulalilo ciindi comwe Munondo aimwi, na lomwe mu mweezi aumwi, na mibili mu mwaka,” elyo koya kutala, kwaamba, “Ee, nciindi cangu,” elyo—elyo mpawo kulya mulalilo, baa, nkununka kuli Leza! Mwabona, ako nkansiyansiya buyo.

⁴² Akwalo mbuli cintu cili coonse cimbi, yebo—yebo weeleda kusiniza. Leza uyanda kensi kwa moyo wako. Mula yeeya, nguonya Leza waka muleta ano aa nyika ngo Nguwe ngo mubelekela. Mwabona?

⁴³ Uli mukucita eci nkaambo Wa kaamba booboo, nkaambo malailile Aakwe. Mpawo tu yanda kuboola a kusiniza kusakene, mukuziba kuti ku luzyalo lwa Leza kuti twa kafutulwa. Elyo tula—tula Mu yanda alimwi twa kalimvwa Busyu Bwakwe, alimwi tula—tula Bu bona kucinca maumi esu. Buntu bwesu—bwesu boonse bwa kacincwa. Tuli—tuli—tuli bantu bandeene. Ta tuponi mbuli mbo twa kali kucita, ta tuyeyi mbuli mbo twa kali kucita.

⁴⁴ Mbuli mu Bbuku awa, a kasena awo mpo twa kali kwaambaula kujatikizya i—i Mabbuku obile mukuba Bomwe, Bbuku lya Buumi. I Bbuku taanzi lya buumi kali boola, lyakali cindi no kazyalwa, oko kwakali kuzyalwa kwako kwa kunyama.

Mwabona? Pele mpawo ciindi cimwi, kaindi loko kunselelo kuya, kwakali nseke niini ya Buumi mbuli Mbwe kali kupandulula kuli bamwi bacizi baniini ku ng'anda masikati aya. Mwabona, kuli inseke niini ya Buumi ikkede awo, eyo njo gambwa, "Nkokuli nko Wa kazwida? Ino—ino ezi zintu zyeenzu?"

⁴⁵ Nda kali kwaamba ceeci, kulibwezela ndemwini, mbuli kuti wali kuyanda kwaamba "William Branham, ee, myaka ili makumi one yakainda, William Branham, tali nguwenya sunumasiku." Ikuti na muntuumwi kusule okuya inga wat, "William Branham, wa kali musondi," mwabona, nkaambo Nda kazyalwa kuli Charles a Ella Branham. Mu bupange bwabo Nda kali sizibi, Nda kasika ku inyika, mubeji, alimwi bonse zilengwa zya inyika zya kalede moonya muli ndime. Pele kunsi omuya, akwalo, bwakali Bulenge bumbi buliko, mwabona, bakakanzwa, bwakali omuya kwiinda kuli Leza. Mu mubili oyu nguwenya, mwabona, bulenge bobilo omuya.

⁴⁶ Ee, Nda kaanga biyo kuli omwe. Mbuli mbo cakakomena, Nda keenda mbuli muvwanda, "Dakisi." Cintu citaanzi nywebo mulizi, Nda kaba mubeji, kaba zintuzyonse zimbi zya sizibi, nkaambo Nda kabusya nzila eyo. Pele kunsi omuya kwakali kabeela kaniini ka Buumi ciindi coonse.

⁴⁷ Nda kali kuyeeya, mbuli mulombe muniini... (Nda syoma Nse mujatilide kwa ciindi cilamfu. Pele kuziba...) Nkekdede mu i...aa—aa nkomwe ya kalonga, elyo Nda kali kunga ndakkala kuya a kulanga koonse ciindi ca masiku. Bataata a baama, bali fwide lino ku kupumuna kwabo. Elyo mazuba ayo bakali basizibi, kwakanyina Bunakristo mu maanda esu nokuceya. Elyo, oh, ma, kunywa, a mapobwe, a kulilemeka bumwi; caka ndibamba kucimwa, Nda kali kunga ndabweza lambe lyangu—kangu a mubwa wangu a kwinka ku zisaka, kuyo kkala busiku boonse. Mu ciindi camapeyo Nda kali kunga nda vwima mane parti niya kamana, ndiza kukupasula kwazuba cifumo. Boola ku muunzi, tii caka mana, Nda kakkala atala lyabutala a koona, kulindila kupasuka kwazuba.

⁴⁸ Mpawo inga Nda yeeya nzila ziindi ezyo, mpawo mukuba kubusena kuya mu ciindi ca mainza, bweza tusamu twangu a kutubikka ansi kuba cisitilizyo cangu mu muuwo, awo na yakawa mvula; kkala alya akubikka tungwala mu maanzi, kuzela nswi; mubwa wangu wakaindi kalede alya wakuvwimya tunyama tutegwa kkuuni. Inga ndaamba, "Langisya awa. Nywebo mulizi, mapeyo ainda Nda kakkala mpoonya asyoonto awa busiku bumwi, Nda kakutula mulilo mpoonya awa cindi Ne kali kulindila mubwa wangu wakaindi awa ku musamu, elyo Nda kajisi mulilo awa. Kwa kali kutontola kusakana mainchi osanwe kuyaanso. Pele, lubaluba liniini, wa kazwa kuli?" Mwabona? "Ee, alimwi ino waka zwida kuli? Nguni wa kasika awa akukusyanga? Elyo ino hotela nzi njo baka kugusya? Na—na ino kujatikizya ncico, nkokuli nkoka zwida?"

Mwabona? Eelyo lubaluba liniini, Nda kali kunga ndati, “Baa, lyakali kutontola, a zintuzyonse, elyo Nda kakutula mulilo atala awa. Kunze lya kantu katontola, kwakali kantu kapya kakabi kkidwe awa a citanda cipati cakaindi owo Mpe kakuumpa. Elyo nekubaboobo mpaawa mpoli, alimwi uli muumi. Nkokuli nkoka zwida?”

⁴⁹ Cakali cinzi? Kwakali uumbi William Branham. Mwabona? Ii kasena kaniini ka Buumi Butamani kunselelo okuya, kuzwa i—i—i mbuto ya Leza, Ijwi lya Leza elyo lya kabikkwa omuya. Umwi aumwi wanu inga wayeeya zintu zikozyenye. Mwabona, Zyakali kubeleka.

⁵⁰ Mpawo kulanga kutala ku masamu, elyo Ndi yeeya kuti, “Tuvu, Nda kakubona kuwa kuzwaku mwaka wainda, elyo nkaambonzi ncoli kusule okuya alubo? Nkokuli nkokali kuzwa? Ncinzi caka kuleta okuno?” Mwabona, Bwakali obo Buumi Butamani kabubeleka mu mubili.

⁵¹ Lino, mpawo buzuba bumwi mbuli Mbwe keenda, Jwi eelyo kali kanana, “Uta kafwebi, kunywa, azimwi zimbi.” Elyo balombwana baniini a boonse bakakomena. Mwabona, kwakali Cintucimwi cakali kweenda.

⁵² Pele nekuba aciindi comwe Nda kalungumana, elyo Nda kati, “Nseli mwana wa Charles a Ella Branham. Kuli Cintucimwi ciita.” Mbuli sikwaze wangu muniini, “Nseli nkuku. Kuli Cintucimwi kutala okuya, kubusenabumwi. O Jehova Mupati, Kufumbwa Mbobede, kojula! Ndi yanda kusika ku muunzi. Kuli Cintucimwi muli ndime, ciita.”

⁵³ Mpawo Nda kazyalululwa. Obo Buumi buniini bwakali lede alya, buumi bwa maanzi bwaka tilwa ali Mbubo, mpawo Bwa katalika kukomena. Lino, obo buumi bwakale bwa kalekelelwa, bwaka bikkwa mu lwizi lwa kujatilwa kwa Leza, akuta ciibaluka limbi kuli ndime. Mwabona? Lino twa ima kululamikwa (mbuli kuti taakwe notwakabisya) mu Busyu bwa Leza.

⁵⁴ Mpawo cindi twa boola ku tafulé lya Mwami, twe elede kuboola mu lulemeko, luyandisyó a kulemeke, ca “Amulange oko nkotwa kabede ikuti nicaatali Nguwe.” Mwabona? Amulange oko nko cakalino . . .

⁵⁵ Nkikaako, Paulo, Ndi yeeya kuti, mu kwaamba ceei, “Nkikaako, cindi mwa boola antoomwe kuzolya, amu kalindile kuli umbi.” Nkokuti, majwi amwi, amulindile buyo maminiti masyoonto, amukombe, mulingule lwanu. Elyo ikuti na ulizi kuti mukwesu uli mukati muya, utandila buyo kucita cintu cimwi eco cilubide, na cintu cimwi, nkabela ula mukombela, ayebo. Mwabona? Mwabona, “amulindile umwi umbi,” amulindile aniini buyo, amukombe. Ikuti na kuli kulimvwa kumwi akati kanu na cintucimwi, muta—muta cicit—muta cicit, kamuya mukalulamike eco, kusaanguna. Mwabona? Koya kalulamike eco, lutaanzi, nkaambo tu yanda kuboola awa cakunjoloma

mbuli mbo tukonzya kuba, a miyeeyo yesu ya umwi aumwi a kuli Leza, a kuli umwi aumwi, elyo mpawo twa boola mu luswaanano ku tafule lyu Mwami. Mwabona?

⁵⁶ Elyo tula cita eci nkaambo kakuti tupa kulumba kuli Nguwe, alimwi akati ka umwi aumwi. Kulya cinkwa akati ka umwi aumwi, kanywa waini akati ka umwi aumwi, mbuli Bulowa Bwakwe a Mubili Wakwe.

⁵⁷ “Mwa talya Mubili wa Mwana wa muntu a kunywa Bulowa Bwakwe, tamukwe Buumi muli ndinywe.” Mwabona? Nywebo mwabona, obo mbo lyakaamba Bbaibbele. Mwata cicita, kwiina Buumi. Nywebo mwabona? Yebo mpawo uli, utandila, kutondezya kuti uufwansonii kulizibya omwini mbuli Munakristo, nkaambo ka buumi obo mbo pona. Elyo mpawo eci nci kazekelo ncobeni. Mpawo ikuti na tocici, to jisi Buumi. Ikuti na wacicita caku teelela, ujisi mulandu wa Mubili wa Mwami.

⁵⁸ Cintu nciconya mu lubbizyo lwa maanzi. Ikuti na twaamba kuti, “Tula syoma ali Jesu Kristo, Wa ka tufutula kuzwa ku cibi, alimwi tula bapatizingwa mu Zina lyu Jesu Kristo,” baa, tu leta—tu leta mause kuli Nguwe, tula cita zintu zilubide alimwi tuyotuyo cibbadelela eco. Elyo cintu cimbi, cindi twa cita ceeco, tu sola kwaamba cintu comwe akucita cimbi.

⁵⁹ Eelyo nde penzi lyesu sunu. Eco Nce yeeya... Nda amba “ndiswe,” mebo, a mbungano eyo Mwami Leza nja kandilekela kukanana ku maoora aya amamanino, kuti tula syoma tuli mu ciindi cakujala. Tula syoma kuti Leza waka tupa Mulumbe. Ca kasalwa aa Leza, Ca tondezegwa aa Leza, Ca tondezegwa aa Leza. Lino tweedele kuboola kuli Nguwe a lulemeko a luyando, a—a moyo uusalala a mizeezo a buntu.

⁶⁰ Nywebo mulizi, oora liyo buka calino cindi—cindi mpoonya akati kesu nikuyooba... i Muuya Uusalala uyo kanana mbuli Mbo wakacita muli Anania a Safira. Amuyeeye, mwabona, eelyo oora lyasika. Mwabona? Elyo tuli... Lino, amuyeeye buyo eco, mwabona, kuti Leza uyo kkala akati ka bantu Bakwe. Nce ncico Nca yanda kucita lino.

⁶¹ Tula konzya kutambula Mulumbe, mbuli kwaamba... Ikuti na Nda kali mwaalumi mukubusyi a—a kuyandaula mukaintu wakwe, elyo Nda kali kukonzya kujana mukaintu, Nda kati, “Uli londokede buyo. Walo Munakristo. Walo mulindu. Nguzyoonse ezi, Ndi jisi kaanzambwene.” Takukwe makani obo kunji kaanzambwene, obo kunji mbo Ndi yeeya kuti mubotu, Nde elede ku mutambula, we elede ku nditambula; mwabona, aa ng’ombe ezi.

⁶² Ee, ncintu nciconya nco tu jana Mulumbe. Tula Ubona uli luleme. Tula bona Leza ka Usimpikizya uli luleme. Kuli luleme cakulondoka. Mwaka a mwaka, mwaka a mwaka, Ula zumanana ncobeni, ula zumanana ncobeni. Zintu zyoonse Nco

Iwaamba, zila citika mbubonya buyo nzila Mbwa kaamba. Lino, tu lizi kuti Cili luleme, pele, mwabona, muta cici kuzwa ku bulanganye bwa bupampu. Ikuti na wacita, ula jana bukombi bwa kabeleka kale. Wabona? Ta tuyandi bukombi bwa maanza obilo, cintucimwi eco muntuumwi umbi nca kacitikilwa alimwi tu ponena ku—ku bumboni bwabo.

⁶³ Mbuli Mbwe syoma kuti wakali Jesu wakaambila Pilato, cintucimwi, bbala Ndye kali kuyeeya, elyo Wa kati okuya kaindi buyo kasyoonto kainda, “Nguni wa kwaambila ceeco?” Na, “Sena caka yubununwa kuli nduwe? Mbobuti mbo ziba zintu ezi?” mu majwi amwi. Ta ndizi buyo obo ijwi mbolibede lino, cali ciindi cilamfu kuzwa Ne kalibala, pele, “Mbобuti mbo—mbobuti mbo ziba eci? Inzi? Mbобuti? Nguni waka yubununa eci kuli nduwe?” Kujatikizya Nguwe mukuba Mwana wa Leza. “Nguni waka ciyubununa kuli nduwe? Sena muntu umwi waka kwaambila ceeco? Na,” mbuli Jesu mbwa kaamba, “sa ngu Taata Wangu ku Julu oyo wa ciyubununa kuli nduwe?” Mwabona? Mwabona? “Mbобuti mbo kaciyya, ciindi cabili na calo nciyubunuzyo cilondokede kuzwa kuli Leza?”

⁶⁴ Sa oyu mulalilo ncintucimwi buyo Nce inkila kuli nguwo, malailile, kwaamba kuti, “Ee, bamwi babo babweza ceece, Njo cita ambebo”? Calo nciyubunuzyo cakuti Ndili cibeela Cakwe alimwi Ndili cibeela cako, alimwi Nda tuyanda alimwi Nda Mu yanda, alimwi tu tola eci antoomwe mbuli ciiminizyo ca luyando lwesu kuli Leza, a luyando lwesu a luswaanano kuli umwi aumwi.

⁶⁵ Lino Ndi yanda kubala amwi kuzwa ku Lugwalo. Elyo mpawo Nda yeeyela... Mpaali mpo... Kufumbwa nzila Mukwesu Pearry mbwa yanda sunu. Nda lombozya inga mwa cibala a ndime, ikuti na muli jisi Bbaibbele lyanu. Bakorinto Bataanz, i—i cipati 11, a kutalikila kampango ka 23.

⁶⁶ Elyo mpawo akwalo, ku cikombelo cesu, twa kabamba eci lyoonse a kusanzya kwa matende, lyoonse, nkaambo zili swaangene antoomwe. Nda syoma mukwesu wa kaamba kuti “Bwatatu masiku” nkaambo ka makamu aa bantu alimwi tamu jisi kunji ku... busena bwa kubamba bantu mu kusanzya kwa matende, baya kubamba—kubamba masiku aya Bwatatu.

⁶⁷ Lino, kampango ka 23 ika cipati 11 ica Bakorinto Bataanz, amuswilile kuli Paulo lino. Lino amuyeeye, a kubamba eci mu mizeezo, Bagalatia 1:8, “Ikuti na swebo na angelo uuzwa ku julu ukambauka makani ambi ali oonse kuli ndinywe,” (kwiinda Makanimabotu aya nga kakambauka) “abe mutuke.” Mwabona?

*Nkambo Nda katambula ku Mwami eco acalo Nce
kamu letela, Kuti Mwami Jesu busiku mbubonya muli
mbubo mwa kaabwa wakabweza cinkwa:*

*Elyo cindi na kapa kulumba, wa ka cikomona, . . .
kati, Mubweza a kulya: oyu mubili wang, oyo ngo*

mwakomwedwa: eci kamu cicita mu ciibalusyo ca ndime.

⁶⁸ Lino, andi ime mpoonya awa, kwaamba: pele kutambula mubili wa Mwami Jesu Kristo mu mulalilo oyu, ta lyaambi kuti mulalilo oyo mubili *wini* wa Kristo. Oyo ngu Katolika. Nse syomi kuti eco cililuleme. Ndi syoma kuti ni mbeta buyo ezyo Leza nzyaka tubambilila, mwabona, taili mubili wini. Nku... Lino, nkabeela kaniini ka cinkwa ca kkosha. Walo mulazyo buyo.

⁶⁹ Akwalo Nse syomi kuti lubbizyo lwa Jesu Kristo (mu Zina lya Jesu Kristo) mu maanzi zila jatila zibi zyanu. Nse syomi kuti mu... Nda syoma inga mwa batapatzigwa buzuba boonse... Lino, Ndi lizi kuti antela kuli bantu bakkede awa abo bazwa ku mbungano ya Buapostolo, Nda amba, na mbungano ya United Pentecostal, eco ncoba yiisya eco. Pele, nywebo mwabona, Nse—Nse syomi kuti maanzi ajatila zibi. Na, ikuti na mbwakabede, mpawo Jesu wakafwa cabuyo. Mwabona? Nda syoma kuti ni mbeta buyo zya Leza, mwabona, kutondezya kuti mwalekelelwa. Pele kubapatatzigwa ku kuzyalululwa, peepe, Ta—Ta—Ta ndisyomi eco. Ta ndisyomi kuti maanzi ala jatila zibi.

⁷⁰ Akwalo Nse syomi kuti eci cinkwa a waini cili jisi cintu cili coonse cakucita a nduwe, kubamba buyo mbeta ezyo Leza nzya katu salila kucita. Mwabona? Mbo mbubo. Nda syoma lubapatatzigo lwa maanzi ncintu nciconya. Nda syoma cili mukulumbaizya kuli ndiswe kucicita, kuti Wa kacicita coonse ku mukozyanyo wesu. Elyo Wa kacita eci ku mukozyanyo wesu. Elyo Wa kasanza matende esu ku mukozyanyo wesu.

⁷¹ Lino, “Cikuba nciconya acalo,” kampango ka 25:

Kwiinde ciyanza nciconya acalo wa kabweza cinywido, elyo cindi na kanywa, kaamba, Eci cinywido ncizuminano cipywa mu bulowa bwangu: eci kamu cita, kanji mbuli mbo mu cinywa, mu ciibalusyo cangu.

Nkambo mbuli kanji... (Amuyeeeye lino!)... Nkambo mbuli kanji mbuli mbo mulya cinkwa eci, a kunywa cinywido eci, ula tondezya lufu lwa Mwami kusikila aka boole. (Nciindi cilamfu buti? “Kusikila Aka boole!” Mwabona? Mwabona?)

Nkikaako kufumbwa oyo uyoolya cinkwa eci, a kunywa cinywido eci ca Mwami, caku teeleta, bayooba a mulandu ku mubili a i bulowa bwa Mwami.

⁷² Andi ime kwakaindi buyo kaniini. I kaambo nca kaamba ceeci, mwa kabona mu kampango kambi awa, cipati cimbi, kuti wa kati, “Nda mvwisya cindi wa—cindi wa boola antoomwe ula lya, akwalo kukolwa ku tafule lya Mwami.” Tiiba kaumvwisya, nywebo mwabona. Ba kaulya buyo cabulyato mukati, mwabona. Mboli buyo bantu mbo bacita sunu, kupona buyo musyobo uli onose wa buumi a ku bubweza. Mwabona? Wa kati, “Muli jisi

maanda aakulya mukati, mwabona. Pele, oku nkubelekela nko tweede kubamba, mwabona.” Lino:

Pele muntu ali lingule mwini, elyo aboobo alye i cinkwa, a kunywa i kanywido.

Nkambo oyo uulya a kunywa caku teeela, kulya a kunywa cakulibeteka kuli lwakwe, kutali kutweluka mibili wa Mwami. (Mwabona?)

⁷³ Ino yebo uli nzi? Yebo uli Munakristo, yebo upona kumbele lya bantu boonse mbuli Munakristo. Elyo ikuti na wabweza eco a kutapona mbuli Munakristo, toli mukutweluka Mubili wa Mwami. Uli muku bikka cilebyo mu nzila ya muntuumwi umbi, mwabona, mbuli mbo bakubona kusola kucita ceeco elyo mpawo kutapona mbuli mboede kupona. Mwabona, totweluki Mubili wa Mwami. Lino amulangilile obo ci... obo lutuko lwa ncico mbo lubede:

Ku kaambo aka banji bali kompeme akuciswa akati kanu, alimwi banji bala ona. (I busanduluzi bululeme bwa bbala eelyo, Mukwesu Pearry, uli “fwide.” Mwabona? Mwabona, “banji bali fwide.”)

Nkambo ikuti na twa—nkambo ikuti na twa libeteka tobeni, ta tweede kubetekwa. (Mwabona, ikuti na twa libeteka tobeni tatu kabeteckwi. Mwabona?)

Pele cindi twa betekwa, tula salala ku Mwami, kuti ta tweede kupegwa mulandu ku inyika. (Mwabona, kutali ngazi imwi ku nyika.)

Nkikaako, bakwesu bangu, cindi mwaboola antoomwe kuzolya, amulindile ca umbi. (Mwabona?)

Elyo ikuti na umwi muntu wafwa nzala, aka lye ku muunzi; kuteqwa mu tabooli antoomwe ku mulandu. Elyo zimwi Ndi zozibamba mu ncililano cindi Nda akusika. (Mwabona?)

⁷⁴ Lino, mu majwi amwi, muta booli buyo ku cibweza mbuli ii... Mbuli mbo Nda amba kaindi kainda, kujatikizya eco ba Juda, cituuzyo cabo, ba... Cakali cibotu loko, caka pegwa aa Leza, pele cakasika ku busena oko nko bata kacicita mu kusinizya a lulemeko a mu ncililano, mpawo ca kaba buyo i... ca kaba i—i nongomeka mu mpemo Yakwe.

⁷⁵ Lino, cintu nciconya nkwiinda ku kuboola kwesu kutola cilalilo ca Mwami, kuti, tweede kuboola kuziba eco nco tucita. Mbuli buyo cindi wa njila mu maanzi kuti a bapatizigwe mu Zina lya Jesu Kristo, ulizi eco ncoli mukucita, usama ku mbungano eco Leza nca bikka muli nduwe, Kristo.

⁷⁶ Cindi twa bweza eci, citondezya ku mbungano, kuti, “Nda syoma Ijwi lyoonse lya Leza. Nda syoma kuti Walo Ncinkwa ca Buumi eco cizwa kwa Leza kuzwaku Julu. Nda syoma Ijwi lyoonse eelyo Ndyia amba kuti Mbwini. Elyo Nda ponena kuli

Ndilyo, ku bubotu bwa luzibo lwangu, Leza mukuba Mubetesi wangu. Nkikaako, kumbele ly a bakwesu bangu, kumbele ly a bacizi bangu . . . Nse—Nse konkezyi, Nse singanyi, Nse citi zintu ezi, nkaambo Nda muyanda Mwami, alimwi Mwami uli cizi a kundipa bulunguluzi. Nkikaako, kumbele lyanu, Nda bweza kabeela ka mibili Wakwe, kuziba kuti Nse pedwe mulandu ku inyika.” Mwabona, nceeco we, mpawo ncilongezyo.

⁷⁷ Elyo, amuyeeye, Nda kali kukonzya kupa bumboni bunji aali ceeci, oko Nkwe kabweza ceeco a ku cipandulula mu kaanda ka balwazi, a ku babona kaba ponesegwa.

⁷⁸ Amuyeeye, cindi Israyeli niya kabweza cikozanyo ca ceeci, ba keenda kwa myaka ili makumi one mu nkanda a zisani zyabo taakwe akwalo noba kasama, elyo ba kazwa katakwe kakompeme komwe—komwe akati kabo, a bantu bali mamiliioni obilo mbuli cikozanyo ca ceeci. Ee, ino Mubili wini uyo cita nzi? Ikuti na mibili wa munyama wacituuzyo wakacita ceeco kuli mbabo, ino Mubili wa Jesu Kristo, Emanueli, kotu citila nzi? Atubatame buyo cindi twa boola. Atube babateme buyo mbuli mbo tuzi, ku boola.



MULALILO TNG65-1212
(Communion)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsono mangolezya, Nalupale 12, 1965, ku Tucson Tabernacle mu Tucson, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org